

АМИНАТ АБДУЛМАНАПОВА

# РАГЪУН ЗАВАР









Награждается ученик

2-го класса Курганской

УДИГЪ ГАФ

средней школы

Мусаев Мамед

за отличную учебу и примерное поведение.

Хурметлу дустар, гъами китаб заш ликIиф э бицIи шиникварис. Пара исар э заш завал акъай шиникварин тамашин суалар, актилатар. Зас шиниквар пара киди а. Зас гIашкъ вей а гиварис хуттурфас, гиварил хъеб лахъас, гивари акъа курарин, агъа чIаларин бина аттивас. Са айамилас хъин гъавурди архъай а, фишти фагъум акъай айчин бицIитари. Гиварис дунйагъ агвай а ачухди, ухътанди, гIамал адай, къяйвял адай. Са сагалай иркIурас хийал вей а шинквде вахтуна ахъархъас. ИркIв ачух хъас, дуйис ачухди тамаша акъас. ФидахIан канди а иркIвурас дунйагъ хабариъ суман гIюрчегди агвас. Зас канди а, гъами китаб рухуна шиниквар гъавурди архъуна, фидахIан ижи ийчин сур сурис кумаг акъуб, четин вахтуна багв фацуб, чIирарис, нахчирарис зийан дайиб, гIашкъ лихъуна гивар ухIуб. Зас канди а шиникварин иркIвари иже хийалар хъуна, келлай иже фикирар хъуна. Суаларин хIа пай шиниквари бавас э ицIаф. ХIаттарира гъагишти акъай хъуна айчин пара ижи ий. Бавас варийлас ижи хIуй а фидахIан багъа ийчин гадайар, рушар, фидахIан герек ийчин гивар. Бавас хIуй а фиштин назук шейъ ийчин гIуммур, фишти гъами дунйал гIуммур ухIуна канчин. Зе мурад а гъами тамашин, ачухде шиникварин гафарари чве иркIвар шад акъубан. Шиниквари, ми китаб рухубан хаб, чиппи цIайе суаларна жувабар арал ахас э. БицIигуна заш учира пара фагъумар акъаф ий жилар заварихъас, инсанарихъас, ижвяларин, къяйвяларин. Зас дунйагъ пара четинди агвай ий ти заманди: девгIийар ай, усар туттай, шагъарар латай. Варийлас пара зе иркIвурас итIар акъаф э инсанар кIиба. Заш пара суалар иф э гъавурдин инсанарис. Амма гъелла суаларис жуваб ада. Зе фикирарикес магIнийар вей, заш пара китабар аттихъуф э, - гъами кар зе гIуммурдин магIна э. Нагагъна зе гафарар чве иркIура архъучин, чве иркIварин хажалатар латтивуна, чун шад хъучин - гъаги зе бахт э. Сифтана сифта аттихъуф э заш миштин китаб. Зун генара пара шад э, фас пучи агъул чIалан гъами сифтан китаб э халкъдин хили рукъа. Ахирас, зус баркаллагъ агъас канди а гъами китаб арал файина дуйил аттихъас кумаг акъу инсанарис: генеральный директордис АО "Дагэнегро" Г.М. Гамзатовас. Гена жегъил художницийс - Альбина Абдулаевас - зе рушас.





\* \* \*

Са йагъа хлабавар укьуна а хлайати ахтилатар акъай. Гивари агъай а: фидахлан иже къумши э хье МахIаммед, гиди учин хьир хиларил лихьуна ахай а.

БицIи Маринийс ун вей а ги ахтилат. Гиди хъайина хула дахиди завал акъай а учин задар. Бава хабар гъушай а: - Фи э ваш акъаф зе руш? Мариний агъай а:

- Бавай, зун шувас вей хье къумши МахIаммед адас.

- Фас? - пуна а бава, илхъюна.

- Фас пучин гиди учин баба хьир хиларил лихьуна ахай а. Зун куIчейри руцагуна пара шавла вей а, зун сайра хиларил гъушай ада.

\* \* \*

Йа бавай, вун зус чи гъушас балниций ушухIала, ваш гидис бавра гъуше. Дахьучин вун дадангу ушугуна, зун суман гира сатти илгвас э.

\* \* \*

Раджаб хъайина а хIуриас шагъарди. Дустари хабарар гъушай а мидивас: фи тамашин задар агуни вас тиса?

- ХIури пара ижи а, - агъай а миди, - хIунивари, дегийри, кеккери, тулайри - варий магIнийар акъай а багаймикес. Гиварин гъаммиша канцертар а хIуриъ, вари шатти йа-шамиш вей а.

\* \* \*

ХIабава атуна а сагалан нахIакъин Мурадас. Мурада пуна а:

- Йаваша вун, хIабав, закес летчик хьугуна, зун завари агъвес э. Хуппай заш Аллагъдис агъас э фишти ваш зас атуна айчин.

\* \* \*

Зайнаба гунтI акъуна а тукарин хаб хлайати. Глашурай глашуна а.

- Фас гIашаф э вун? - пуна а Зайнаба.

- Фас пуна хьучин, гьел зе бав адис даа. Гиди уч адис э пунай хлайати тукар агъдигуна. Гьел ваш ги тукар лататIуни.

\* \* \*

Камила агъай а хIабавас:

- Йа хIабав, зас канди а вал гIашкъ лихъас накъ суман, амма ваш "Марс" гъушуна канди а зас.







\*\*\*

Райзаната бавас агъай а:

- Бавай, къацІ - икІа мяжар кафтар къарий узуттар э хъаси. Гивар къяйи тунтетар э, тІуб керхІас вей ада.

\*\*\*

- ФидахІан ижи э кІурарис, гиварихъ хулар хъуда. Гивар гъамиша кючейри кидаркай а. Ваш бавай, зас гъар галай хуласти бјав акъай а, - агъай а Раисата.

\*\*\*

- Йа дад, хІунивер маймунарикес хъуттар эва? - хабар гъушай а Камила.

- Даа бес - агъай а дада.

- Даа хІала фас э хІабава гъаммиша хІунийс маймун агъайдеф?

\*\*\*

ХІабавас Шемила агъай а:

- Зун хІа хъугуна, закес касманафт хъаси. Заш заварил дахи гІикІаси хІадар, ваш дахиди фататас сибар.

\*\*\*

- Йа, бавай, хуттурф, хуттурф китанин чарквус, ги мерквуралла къяцІул лакарикес руцай а - агъай а Ахмедхана.

\*\*\*

БицІи чи габачи руцай агуна Шемила бавас агъай а:

- Йа бавай, вас пул масанди айва габачи руца чи гъушас. Са чІукъ пул лахъихъуна лаку руцаф гъушуна кандий.

\*\*\*

Шемила агъай а бавас:

- Йа бавай, зас урчуран суман лакар акъас вей а-дайва? Дахъучи зун гъар галай батинкайар латтахъас алчархъай а. Амма дузди гивар аликІас за-вас вей ада.

\*\*\*

Бава Мамедас гъушай а дуканис сурна.

- Йа бавай, гъел зас мукъамара гъуше, дахъучи гивар хъудай сурна рухай ада.

\*\*\*

Багайми Муъмината сурат гІуччай ада. Бава гис чІалар акъай а. Муъмината агъай а:

- Вас агвай адава зал гІайнайар алеф? Зас гъар галай гивар къяшас акас канди ада.







\*\*\*

Хъайина а хІуриас ХІабиб, гиди учин ду-старис агъай а:  
- Зус хІури космос агуни, кІилин гІуммур ибхъ лихунде. Касманафтар агъвейдеф гъагисасти э.

\*\*\*

Рагъ фучІа вахтуна хъувей а Рашид хула. Миди бавас агъай а:  
- Бавай, бавай, зас Рагъ сувал укъай агуни. ЦІа керхъучи сувак, хъеш факъас э ?

\*\*\*

Амирбег адина а хІуристи. Гидис агвай а гъар багул фурдер: хІайати, кючейри, хуп-пурил. Гиди бавас агъай а:  
- Бавай, хІунивар гъел хІа хъуна а, вари мукъар курас акъай а. Фас э гур гъелла гар-шукил укъай вардиш дакъуф?

\*\*\*

Гими укъу къужангу гъучадина жегъили хабар гъушай а:  
- ШапІрусар фай адава вав?  
- Заш дивай ада.  
- Зе хъирара дивай ада - пуна а келхъюна жегъили.  
- Айчин ве хъир зас ижи дуІхъуІна а, вас дала, - пуна а къужай супелис тІубра ина.

\*\*\*

БицІи Бахтума жан гІуччу хаб бавас агъай а:  
- Гъел, бавай, зунна кехъ хІайати зе кунарихъ хъай.  
- Фас? - пуна а бава.  
- Зас канди а залла, кунарил суман, жакъвар укъуна.

\*\*\*

Арсена хабар гъушай а чучуйвас:  
- Ваш Масквай йаркъве штангайар гъадивай а. Хула гъадивай ада.  
- Масквай сагъди Дагъустан хъай а захъ. Миса зун сатти а, - пуна жуваб ина а Арслана.

\*\*\*

Ракка бав лархІяй а къярушил. Гидин шиникви Шеми-ла агъай а:  
- Бавай, гъел зун гъавурди архъуни къумшийри гІама-лар акъаф. Гури агъай ий: вун хъе дада хиларил лихъ-уна ухІай а. Нагагъна вун дада хиларил лихъуна айчин, вун лархІастай жилил.

\*\*\*

Рабадан хІури адигуна, агуна а гидис бицІи урчар йалар акъай чІирарил. Гиди агъ-ай а:  
- Бавай, фас э ми бицІи урчар садикди фадай ушуф ?





\* \* \*

Хлабав руцай а кантІалахъас, амма  
ги фачархъай ада. Камила агъай а:  
- Йа хлабав, заш ги кантІ ахъатуни  
куІчейсти. Дахучин ги мед мурз  
вартал хъуна гъзунай. Ги къяйе  
ишарат э, - мед адис э хъейсва йагъ-  
накъчи Ханум, кегъатІас акъас хъин.  
Къяйе ишаратар агвас дала, кантІ  
ахъатуна ижи э.

\* \* \*

Сифтана сифта негри агуна Шемила агъай а:  
- Бавай, хуттурф гъати адас. Ги КІаре хІулигІ гІучІуна учин жан тасмали жидикуф  
хъас э.

\* \* \*

Марина хуттурфай а хлабаван жегъил вахтунан цІекІинин ишкиларис. Хуппай гиди  
агъай а:

- Хлабав, зас канди а вена хІададан медрa цІекІинар хъакъуна, чун жегъил хъухъас.

\* \* \*

МахІаммедин хизанарис са халин вахтарилас ухай а гада. МахІаммед вей а дукани,  
агъай а дуканачийс:

- ХІурметлу дуканачи, тин сара зас палзуңукар, амма идемаринтар. Вас хабар ава зе  
хизанис гада ухуф?

\* \* \*

Бава аттатай а свитер, Расула агъай а:

- Бавай, ваш медрa хъакъас эва ли тунерикес свитер журналис хуттурф ай?

- Хъакъас э, - агъай а бава.

- Вавас вей адава зунна цІайе кІилилас хъакъас Геракл ликІи китабис хуттурф ай?

\* \* \*

Учин хъиракес хъял агъдина шува кІил багвди айс кехъай а учи уч гъвадикес. Хъира  
агъай а гидис:

- Вун далу эва? Кехъай айчин дузди кехъуна канди: гатІил лакарихъ хъитІаф даа, гар-  
дани хъитІаф э гатІил. Шува агъай а:

- Жан зе хъир, ваш агвас акъе сара фишти ийчин учи уч дузди кехъаф инсанди.

\* \* \*

Ухуна пийанди, хула хъувей а са  
шуй, алархІай а ги куІчей гІарари.  
Хъира ги сугмиш акъай а. Гадай  
гидин агъай а:

- Бавай, фас э ваш дад сугмиш  
акъаф? КуІчей фиш хъучира  
лархІай. Чес географин дарса-  
ри магІалимди пунай: жил  
гъаммиша лурцаф э. Дадан  
къалат ада.





\*\*\*

ДахІалахъди Йасуфа,  
хІайванис хъедра ина, да-  
дас агъай а:

- Йа дад, хуттурф фи  
дахІан бабади айчин,  
хІайванин фун. Фас ий-  
чин хІюй ава?

- Ваъ - агъай а дада.

- Фас пуна хъучин, гиди  
хъитта хъай вазра ухуни,  
завас гъаттикас дахъуна.



\*\*\*

ХІадада жад кичикІуна рукъ риэс акъай а  
ире вестахІан. БицІи Мусай агъай а:

- Йа хІадад, вавас рии рукъакес хъес бицІи Рагъ акъ-  
ас вей адава, хъе хула кехъас, куче вес?

\*\*\*

Шемил хъайина а дуканиас. Мидивас фиштира вей ада хІисаб акъас амейде пул.  
Ахир, гиди бавас агъай а:

- Бавай, фас э ваш зе хиларик са халин тІубар дакъуф, завас пара пулар хІисаб акъас  
хъас?

\*\*\*

Бава сагалан къанди гІачикуна а хІуни маларин рамагигІ. Шемила пуна а:

- Йа бав, зас йазукъ э хъе хІуни. Гъел малархъанди йагІан йагъди са лакул гъузас хъу-  
чикас э хъе хІуни, чес мактаби магІалимди акъаф акъуна, чин дарсуна къана хъухІала.

\*\*\*

МахІаммедий гІутІай а каламин салат. ГІаттархъай а мидис салатигІас чІар. Ахъату-  
на чІара, сугмиш акъай а миди учин хъир. Миварин бицІи гадай Камила агъай а:

- Йа дад вун дуз даа. Хъей багъа э каламилас. Ваш калам атуна, чІар ахъатуни.

\*\*\*

Хъайина куІчейас Арсена агъай а:

- Бавай, заш пара ухІуйар ахъуни куІчей.

- Фас зе гада? - пуна а бава.

- Фас пуна хъучин Зураба къацІ хъатдихъай са пара ибхъ гІутІуни.

\*\*\*

- Бавай, зас девгІи хъуна канди ада. Хъе Альбина вари адайрив мукъунтарингу суман  
фачучІай а. Ги душманарингура гъагишти фачучІучи, гивари хъе Альбина кІеси, - агъа  
а Шемила.

\*\*\*

Бавай, варий агъай а, хъе жил лурцай а, ги  
дуз эва? - хабар гъушай а Камила.

- Дуз э, - агъай а бава.

- ИдехІала фас э даран кІурар ла-  
дархІаф, хулар адарчІваф?





\* \* \*

- Дад, вавас вей ава са хьир медре хъакъас вас? - хабар гъушай а Султана.
- Нан акъас? - агъай а дада.
- Зун гъаммиша бавахъай гъархъас, вун сайи хъирахъай.

\* \* \*

Кетлуна ахуникес Сулеймана учин бицли чучуйс агъай а:

- Зас глуши эмкликес ракета агуни. Зун алукуна гидил завари агъушуни.
- Зунна фас файшуфтай вахъай? - пуна, глашуна а бицли чу Расул.

\* \* \*

Дагалахъди Шемилас агвай а лецлун хъиттал нур ицлай ваз.

- Фаси ваз лецлу дахаф? - хабар гъушай а миди учин бававас.
- Ваз йаркъви а, - агъай а бава.
- Фас э айчин афа дидиваф ги лецлу?
- Хъес глакв акъас, - агъай а бава.

\* \* \*

- Бавай, фишти хъучархъай а ваз вари мукъари хъиттари глучлас? Зас ги агвай а: глурат, хла лецуъ, бицли лецлуъ, гена айванил але гажиниъ - агъай а Хламида.

\* \* \*


Дадахъай адина а Шемил заопаркди. Агвай а гидис маймун клеткий укбуна.

- Йа дад, - агъай а Шемил, - фас э маймун ачикуф клеткий? Чес маглалимди инсанар маймуникес хуф э пунай.
- Дузди пуна а, - агъай а дада.
- Фи э гъел маймунис канди андава учикес инсанар хъакъас? - хабар гъушай а Шемил.

\* \* \*

Сарийата бицли чучуйс Магламмедийс ахтилат акъай а, фишти ахуникес эмкли агуна айчин учис, чаб къюдра суван хури ай хлабавангу, фишти чаб дурухлай айчин келарихъай.

- Ваъ, - агъай а Магламмедий, - зун глуши вахъай адай. Заш глуши эмклиас дадахъай балугъар фацай ай, вун хъудай чехъ. Йагла глуши хъин къюдра хъай гъархъас ахуникес эмкли ай хлабавангу вес.





\*\*\*

Камил гъишина а хлабававас фаттархъуна. Хлабава са хиллалди факъацуна а ги шиникв.

- Хлабав, - пуна а Камила, - зун ваккес фас гъишиф ийчин хлуи ава? Ваш къяйи эл ди-вахлала, зас ибхъ уцлас гучлай а.

\*\*\*

Йа бав, зун армий гъат сара, - пуна а Шемила.

- Факъас зе гада, вун бицли аме, - пуна а бава.

- Зас пагунар але кунар ликлас канди а, - пуна а Шемила.

\*\*\*

Бицли Альбина вей хъуна а шахматарин кулубисти. Гидин хла чучуй Шемила хабар гъушай а:

- Альбина, ве гъалидахлан пара глашкъ алва шахматарил?

- Алдий а бес глашкъ, фас пучин шахматарин кулубин хлайати са иже меркв а. Заш вариилас пара гиса члухчлухайар акъай а.

\*\*\*

Бавас канхъуна а нахлакьин Амирас йархлас.

- Бавай, нагагна ваш зас атучи, заш вун подъемный караник кехъуна завари агъдивай, каранихъ хъайеф зе дуст э.

\*\*\*

Хлайатиъ клурар туттай а тиреби. Анжелих хабар гъушай а:

- Бавай, тиребин гуж хилари ава дахъучи лакари, фиттилди э гиди клурар туттаф?

\*\*\*

Альбинин бицли чу глашай а. Альбиний агъай а гидис:

- Нагагна вун пара глашучин, ве улерин ранг алавеси, хуппай улер ве ругъетар хъаси.

\*\*\*

Счетчик ахтармиш акъайде кантралёр-дис Зубаира агъай а:

- Вун иже адай даа. Рагъу фидахлан нур ицлай а, амма мусра къимат гъушай ада. Ваш са бицли лампочкийгъас, глуши дала дугайде, гъаммиша пул гъушай а.

\*\*\*

Махламмедийс гучлай а глуши кулчей атвес. Гидис чичий Сарийата агъай а:

- Дада вас идеми агъай а, амма вун гучлрикI э. Китанин чаркунас, гъаммиша мучлейсва гъархъа, сайра идеми агъай ада.







\*\*\*

Кеккела сагъди дуйис гІакв хъихъай а, - агъай а Йануса.

- Фишти хъихъай а? - гІаламат хъуна хабар гъушай а Мухтара.

- Са рахІатис: кекк рухундеф багаймикес, кІилди дуйик гІакв кетІай а.

\*\*\*

- Бавай, че магІалимдис хІуй ада Камандировка агъа шагъар, вун гъамиша вейде. Агвас акъе сара ги шагъар зус, заш магІалимдис агвас акъас - пуна а Зулейхий.

\*\*\*

Рашидавас гулуна а хулан гилегвар. Амма гиди учин бавас агъай а:

- Бавай, вун бадала э гъаги гилегвар гулуф завас, фас пучи ваш зас пунда гур гулас макъа.

\*\*\*

ГІашурийс агуна а кучраханди дивунде гатІилар. Гиди агъай а:

- Йа бавай, фас э гъами кучраханарис са фабрика лидихъаф, дахъучи гури гъучархъуисвал кар акъай а.

\*\*\*

- Бавай, вас иркІвурал алмева ваш зас фишти атунайчин заш къяйе гафарар пухІала?

- хабар гъушай а ХІамида.

- Ваъ - агъай а бава.

- Гъел вун дуз э, - агъай а гадай, - заш къяйе гафарар пуф даай. Вун гъавурди архъунива ваш зус гъавайа атуф?

\*\*\*

- Бавай, вас къяйи иттар акъунайва заш тарелка йагІатІугуна? - хабар гъушай а Альбиний.

- Зас иттар акъундай, - агъай а бава.

- Дахъучи фас йи ваш зас атуф?

\*\*\*

- ХІадад, вун пенсий ушугуна, зунна веси вахъай, дахъучи хІалак хъуна а зун бавас кумаг акъай, - агъай а Раджаба.

\*\*\*

- ХІабав, зас хъе хІадад тулайс ухуф суман вей а, - агъай а ГІусмана.

- Фас э ваш лиштин фикарар акъаф? - хабар гъушай а хІабава.

- Фас пучи гиди, ниъ акъуф зас, элбезл хІарвей а заш къанфитар хъаттикІиф сундукъиас.

\*\*\*

- ХІабав, зун хІа хъухІала Масквай вес э . Тисас заш вас са пара кІурар гъатас э, ваш пичура иже цІа икІас, крурар хІайиф дакъай.





\*\*\*

- Баван пул гулуна а. Рашида агъай а:  
- Ваш, бавай, пара дардар макъа. Зун хІа хъухІала  
ижи руцас э, зас фахъукъас э ги пул.

\*\*\*

Уч гъархъа вахтуна Заремий агъай а учин бавас:  
- Бавай, ваш раkk цІуппи алчакъ, кІаре мучІ ач-  
давехилди хъе хула. Дахъучи хъес фира агваста.

\*\*\*

- Бавай, зун мактаби гъатасти ваш зас хъир акъе, гиди зун мактабира хабра раkъюл  
акъахилди, захъай гадайар удукъас, - агъай а Баганда.

\*\*\*

- Бавай, зас снегурочка хъирди акъас канди а, амма гучІай а ги гІулана уцІас, - агъ-  
ай а Расула.

\*\*\*

ГІабдулманафа йагІатІай а гъарагъал. Учис чІалар дакъас гиди  
мишти агъай а учин бавас:

- Бавай, заш ахъуруф ий гъарагъал хуттурфас фиш-  
ти ийчугас пагІала гиса хъухъе Рагъ икІундеф.

\*\*\*

- Бавай, бицІи жакъварира чиппин чарк-  
варис хІарар акъуна а, ваш зас фас ий  
дакъуф, засра завулас вес кандиа, - агъай  
а Мирзай.

\*\*\*

- Зас хъе дад вари нахчирарилас гужлу су-  
ман а, сатти кекк кидай - агъай а Къасу-  
ма.

- Фас? - хабар гъушай а бава.

- Фас пучин дада чІалар акъай амий, кекк  
элбеэл гъишай а, дадавас хъихъина ги  
фахъацас вей ада.

\*\*\*

Багайми гъайшина Мусай хабар гъушай а  
бававас:

- Бавай, вас гІуши гъархъухІала, зас агун-  
де эмкІ агунива?

- Ваъ, - агъай а бава.

- Гъалишти веф э вас, фас пучи сифта  
захъай гъархъуна, хуппай чІичІингу  
вехІала. Зас эмкІикес са баттар мултикар  
агунай. Захъай гъархъуна амий айчин ва-  
сра агвасий гивар.





\*\*\*

Багайми Галийс хъюси гуч-  
час канди ада. Бава ги  
мажбур акъай а. Хуппай  
кИркIа бавас агъай а:

- Бавай, фас э ваш зал  
хIунинф суман хъюси дакъ-  
уф, гIуммурди дучайде? Зас-  
ра рахIат ий, вашра гъар йагъа чIалар акъ-  
астай.

\*\*\*

Мурад кидаркай а куIчейри хулан раккра ахъуруна атуна. Бава гидис чIалар акъай  
а. Мурада бавас агъай а:

- Бавай, заш къасусти атуф э ракк ахъуруна, фас пучи къачагъи адина хула хъаттикIес  
хъе Шемилан дневник. Гиди мед дарсарис двойкайар гъушуна а. Дадас агучин гидин  
къиматар, хъял агъдина мед Шемилас атас э.

\*\*\*

Шемила учин бицIи чучуйс Камилас агъай а:

- Хъе къумши руша Заремий залди мед къуттер ахъайтай а.

- Заш гидис акъаф акъай, - пуна, аттархъай а Камил хIайатисти, гунтI акъай а къут-  
тер Заремилди ахъатас.

- Макъа, - агъай а гидис Шемила, - къуттер гъел вари хъе хIайати а. Нагагъ ваш ги ру-  
шалди ахъатучи, багагъ гиди хаб хъелди ахъахъатас э.

\*\*\*

- Бавай, най даран кутIуларис, гъавурди ихъуна, хIар акъуф, чиппис пIажарикес  
маргъар акъуна хIавари ахъас? - хабар гъушай а Галибеге.

\*\*\*

БицIи Марина гIашай а. Аслана хуттурфуна гидис агъай а:

- Бавай, вас агвай ава, Маринин улерис жагвар негъвар алавей а, амма гидин улер  
кIаретар ийчира, фас э гъан?

\*\*\*

БицIи чичийс гидин чучуй агъай а:

- Ваш, Раисат, зал гъаммиша хъеб лахъуна канди.  
Фас пучи зе йерхъи ис хъуна а, ве хъибуд дала даа.  
Даккан хъуна, Раисата бавас агъай а:

- Бавай, чучуйс суман, засра йерхъи ис гъушас вей  
адава вавас дуканис?

\*\*\*

Альбина адина а бава хъай игрушкайрин дукани. Ги  
хуттурфай а вари задарис. Хуппай хабар гъушай а:

- Бавай, ваш зунна дуканис гъушуф эва?

- Э - агъай а бава.

- Гъами дуканис эва?

- Э, зе руш!

- Факъас ваш зун гъушуф ий. Гъахъуше хаб ве  
пулла, зун гъамиса ахъихъ. Зас гъами  
баттар игрушкайар айе дукани  
йашамиш вес канди а.



\*\*\*

Дада жад кичикІуна а жадханай. Ачадина гич бицІи ГІусмана агъай а:

- Дадай, вас савкъат акъе гъали баба гъад зун Уху Ягъа.

- Фи акъас? Вавас ми гъадивас веф эва? - хабар гъу-

шай а дада.

- Зун хІа хъухІала, гъали гъадра фай зун хъе ватан ухІас вес э - агъай а гадай.

\*\*\*

Чучуй учин чичийс агъай а гІажибан чІал. Бавас канхъуна а гис атас. Гадай агъай а:

- Бавай зе къалат ада. Ги чІала айе хІарфарин къалат э. Ги хІарфар вари кехъатуна канди китабикес.

\*\*\*

- Бавай, зун вас ухуф эва? - хабар гъушай а Камила.

- Заш вун каламигІас гІаттивуф э, - агъай а бава.

- Нагагъна гъарагъалдис аттивунайчи зун, гена ижи ий, - агъай а гадай, - гъелдис хІа-рара кегъдина завулас вес ий зун луф суман.

\*\*\*

Бава хІайати кІурарис хъед ицІай а. ГІалий хабар гъушай а:

- Бавай, фас э ваш засра хъед дайицаф, засра канди а дахиди хІа вес.

\*\*\*

Бава учин кІиркІас Русланас агъай а:

- Ваш, зе кІиркІ, гъар йагъа хъе къумшийрис "ижи гъузурива" агъас иркІуралас гъамата.

- Ват, бавай, гъатай ада, варийласра пара мороженное маса ицІа хІачІийс. Гидис заш йагъа ицІу галай "ижи гъузурива" агъай а.

\*\*\*

Дадай, ваш дуканис титратар гъушахІала, пара гъушай акъе, - агъай а Камила.

- Нан акъас? - хабар гъушай а дада.

- Че магІалимди гъаммиша шиникварин титратар гунтІ акъай а учис. Зас гидис цІайе титратар ицІас канди а.

\*\*\*

- ХІадад, заш ве дегийс улерин гІайнай-ар гъушуна а, - агъай а Шемила.

- Нан акъай дегий гІайнайар? - агъай а хІадада махІтал хъуна.

- Деги уч училди руцас, - агъай а гадай, - дахъучи ваш гъаммиша хІаву гатІил ихъуна вахъай ахай а ги.





\* \* \*

- Зас зун хье хІадад суман хьуна айчин ижи ий, - агъай а ГІайишата бавас.
- Фас зе руш? Ги кьюссе хьуна а. Ве гІуммур удигъ гьуме.
- Фас пучи гидин йагІа ахиран силев аттархьуна а. Ги сара силеварин духтирангу вес алчархьас ада.

\* \* \*

Наидий агъай а учин бавас.

- Бавай, хуттурф: хье хІайати айе кІурарин пІяжар хьучархьуна а.
- Вас нандис хІуй а? - хабар гьушай а бава.
- Фас пучи вари пІяжар жили кехъай а.

\* \* \*

Камилакес хъял агъдина, хІабава агъай а:

- Заш са рушра вас хьирди вес атаста.
- Йа хІабав, вари рушар вас учис хІирди акъас канди ава, - хабар гьушай а, дардра хьуна, Камила.

\* \* \*

- Кеккерин жилар унхьуна багайми кетІай а ахуникес Ахмедхан. Гиди агъай а:

- Бавай, на э кеккерис магІнийар агъас хІар акьуф? Гиварис гьел кьабаларин санигІатар гьушуна канди, хьунайчи са сурна дахІанна.

\* \* \*

- Закес зе чичийс сагІат хьуна а, - агъай а Зийавутина.
- Фишти? - тамашис хьуна хабар гьушай а гидивас ХІабиба.
- Зун мактабиас хула хъайи суман, зе чи элбеэл мактаби вей а, гьелдис са нубатира дарсари кьана хьуна ада ги.

\* \* \*

Хьумши идеми кІина, некъви икІас ахай хьуна а. БицІи ГІусмана агъай а:

- Бавай, гидин хилар некъви идикІучи вей адава, зас гур дуйил атуна канди а.
- Айчин нан акъай гур? - пуна а бава.
- Вари кьумшийри гидин хилар кьизилинтар ий агъай а. Кьизилар некъви фас икІаф э? Къачагъари фиштира гивар атхьудивас э.

\* \* \*

- Бавай, хьейсва ГІуши гІуш акъагуна, Рагъу нанди гІуш ахъай а? - хабар гьушай а Мурада.
- Учин хула! - агъай а бава, фагъумра дакъуна.

\* \* \*

- Бавай, акъе сара зас ибхьин хилар, зас кьюрда-на гІайнайрик луІкуІнар ликІес канди а - агъай а Камала.





\*\*\*

- Зе бава хІуракес сифта суй акъуни, хутпай хъед гІатІуна тІишина, лурцу жил акъуна а, - агъай а Камила.

\*\*\*

- Бавай, угъал угъа вахтуна фас э хъе тІагарарин гІайнайрин негъвар алавеф, - хабар гъушай а Мислимата.

\*\*\*

- Йа дад, вакесра бав хъунайчин ижи ий, - агъай а Рабадана.  
- Фас? - пуна а дада.  
- Вашра, бава суман, пІапІрусар дидивас.

\*\*\*

- Йа дад, фишти э тІутІарис заварилас вес хІархъуф канструктор хъудай, - хабар гъушай а Абакара.

\*\*\*

Йа дад, вун пенсий ушугуна ваш чуІнгуІра вахъай маха. Засра канди а чІунгуІр атас хІар акъас, - агъай а Арбена.

\*\*\*

- Йа дад, фас э прииомникдис гъургъас хІуй, амма инде суалис жуваб ицІас духІаф, - агъай а бицІи ХІажий. Ваш зас, алчархъучин, жувабар ицІаф гъуше. Дахъучин хула дарсар акъагуна захъ пара суалар вей а.

\*\*\*

- Бавай, бавай! - пуна гъарай акъуна а МахІаммед - хІажий, - накъ гІуши къюрд ибхъин лакарилди кІурандил агъучІуна а.  
Вас нандис хІархъуни? - хабар гъушай а бава.  
- Хуттурф, сагъди кІурандик ибхъер кий а.

\*\*\*

- ФидахІан ижи э зе будуйс, гидихъ чучар хъуда гидис атайде, - агъай а Альбиний.

\*\*\*

Къюрдин гІаквна. ТІагаранин гІайнайрил агуна айазин накъишар, Шемила агъай а:

- Бавай, зас хІуф, къюрд гІуши хъе тІагарихъ гъархъу гъава э. Хуттурф, фиштин эмкІерин ишкилар ликІина айчин гиди гІайнарил.

\*\*\*

Хъин гъаммиша папінгу вей а папугайдис хуттурфас. Амма йагІа хъин мамінгу вес э - мамугайдис хуттурфас, - агъай а Зухехий.



\* \* \*

Бицли Камила агъай а учин бавас:

- Зун гъархъугуна, ваш ижи алчахъ зал йургъан, вариьласра улер цлуппе акъе.
- Фас, - агъай а бава, - хъе хула гъагиштира пара кучи а.
- Фас пучи зе улерис эмкликес къяйе задар дагвас, - агъай а гадай.

\* \* \*

- Зас кандий са буду, глутласна ухас хлуйде, - агъай а Аслимата.
- Фи акъас - хабар гъушай а Амината.
- Гира хла вес за хъай.

\* \* \*

- Зас йагла дарсари къюд лихъуни маглалимди, - агъай а глашуна Загърай.
- Фас, зе руш, вас ижи хлисабар акъас хлуй ахин.
- Маглалимди зас къанфитар хлисаб акъе пуни. Амма заш къанфитар вари багайми глутлуна, зав садра фандай хлисаб акъас.

\* \* \*

Куичей чичи алархлуна, къукъар ладиклай а. Чучуй гидис агъай а:

- Хъиму галай пуна а радиойс дузде ракъ-ди руц Ленинара, партий алихъу. Амма вун гъавурди архъай ада.
- Ваш фи э агъайдеф, Ленин хъе хлурира адина айва? - агъай а чичий.







\*\*\*

Камила, агуна накъишар  
къюрдана тлагарарин глай-  
найрил агъай а:

- Бавай, тамаши акъе мич, факъуна айчут  
жинарари. Ваш жинарар вефта агъай ий.  
Гъел хуттурф, гурихъ художникара хъай а.

\*\*\*

Бава хулан налук ицлагуна, Ризвана хабар  
гъушай а:

- Бавай, ваш хъин Аллагъди халкъ акъуф э  
агъайдийва?

- Э бес, зе кIиркI - агъай а бава.

- ИдехIала фас э хъин йашамиш хъубан пул хъеш сара адас ицлаф?

\*\*\*

Дад, зас хве хIадад йазукъ вей а, ги пенсий вей а. Найи экзаменар ицлас алчархъа-  
с э гъан касиб? - хабар гъушай а ИсмагIила.

- ХIадад пенсий вей идеф лап дахи инде экзаменарилди э, - агъай а дада.

- Айчин ги лап дахи ушуна канди ий пенсий.

\*\*\*

- Бавай, вун отпускый веф дуз эва? - хабар гъушай а Байрама.

- Э - агъай а бава.

- Нагагъна отпускый мороженое ицлай айчин зунна фай йух вахъ хъай гич.

\*\*\*

- Бавай, хъе Маринийс мактаби каникулар ина а. Ваш че садикдин хIаттис засра ка-  
никулар тин уп сара хIабавангу кIил дивас вес, - агъай а Хазината.

\*\*\*

АхIмадас гучIай а мучIехъас хIайати атвес. Сакината агъай а:

- Вун бавас дузди ухуна ада. Китанин чарквунакес идеми хъуна айчин ижи ий, вакес  
дала. Гидис мучIигъас гучI вей ада.

\*\*\*

- Бавай, немцари вари мукъар алатуф дуз эва? - хабар гъушай а Асийата.

- Э - агъай а бава.

- Хуппай фас э гивари че садик адарчIуф? КегъатIуна а зун гиса.

\*\*\*

Шемил гъатуна а гуни ахас. Ги хъайина а хула йа гуни, йа пул фандай.

- Фас вун гуни фадай хъайиф э? - хабар гъушай а хIабава. Шемила жуваб ицлай а:

- Дукан хъикIуна ай.

- Айчин пул нанди а? - хабар гъушай  
а хIабава. Шемила агъай а:

- Миштин кар э, хIабав, гиса жакIвар  
укъай ай сур сурихъай гуни хъис  
бадала. Гивари чиппис са буханка  
гъушас дуканис,  
заш зав фай айе  
пул гиварис  
ини.





Аминат АБДУЛМАНАПОВА

## СОЛНЕЧНОЕ НЕБО

Художник Альбина Абдулаева  
Художественный редактор И. Хумаев.  
Перевел на агульский язык Фатхула Джамалов  
Редактор Арсен Набиев.

Компьютерная обработка: Э. Дадаева, Н. Маназарова,  
Подписано в печать 15.04.99 г. Формат 620х940/4. Бумага офсет.  
Печать офсетная. Усл. п.л. 1,25. Тираж 500 шт. Заказ № 720  
Цена договорная

